

Piginneqqaartussaanermik inatsisip Kalaallit Nunaannut atortuulersinneqarnissaaanik peqqussutip naalisarnera

Kalaallit Nunaanni Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfimmiit noqqaasoqarneratigut Kulturministeriaqarfik piginneqqaartussaanermik inatsisip Kalaallit Nunaannut atortuulersinneqarnissaaanik peqqussutissamut missingersuusiorsimavoq.

Piginneqqaartussaanermik inatsimmi § 93 malillugu piginneqqaartussaanermut inatsit Kalaallit Nunaannut atuutinngilaq, kisiannili kunngip peqqussutaatigut Kalaallit Nunaanni immikkut pissutsit naapertorlugit allaassuteqartillugu tamakkiisumik ilaannakuusumilluunniit atulersinneqarsinnaalluni. Kalaallit Nunaanni piginneqqaartussaanermut tunngasut maannakkut piginneqqaartussaanermik inatsisikkut inatsimmik nalunaarut nr. 710, 30. juni 2004-imeersukkut malittarisassaqaartinneqarput. Inatsit peqqussut nr. 561, 7. juni 2006-imeersukkut Kalaallit Nunaannut atuutilersinneqarsimavoq.

Peqqussutissamut missingersuutikkut piginneqqaartussaanermut inatsit Kalaallit Nunaanni immikkut pissutsit naapertorlugit allaassuteqartillugu inatsimmik nalunaarut nr. 1144, 23. oktober 2014-imeersukkut Kalaallit Nunaannut atuutilersinneqarpoq. Peqqussut aamma ilagaa inatsi nr. 719, 8. juni 2018.

Ataatungaani piginneqqaartussaanermut inatsimmut inatsisit allannguutit, Kalaallit Nunaannut atulersinneqartut taaneqarput, soorlu aamma Kalaallit Nunaanni maannakkut inatsisikkut inissisimanernut naleqqiullugu annertuunik allannguisoqartoq:

Inatsit nr. 1440, 22. december 2004-imeersoq

- §§ 16-16 b – Toqqorsiviit, atuakkanik atorniartarfiit katersugaasiviillu pillugit piginneqqaartussaanikkut malittarisassat pisariinnerulernissaat siunnersuutigineqarpoq.
- Tunniussinissamut pisussaaffik pillugu inatsit aamma katersugaasiviit pillugit inatsit Kalaallit Nunaannut atuutinngillat. Siunnersuutigineqarpoq §§ 16-16 b Kalaallit Nunaannut atulersinneqassasut, aalajangersakkallu Kalaallit Nunaanni pissutsinut naleqqussarneqassasut.

Inatsit nr. 231, 8. april 2008-imeersoq (Piginneqqaartussaanermik tunniussineq, kulturikkut kingornussanik il.il. digitalinngorsaaneq)

- § 13, imm. 5, § 14, imm. 2, § 16 b, imm. 2, § 18, imm. 1, § 30, imm. 6, § 68, imm. 2, § 68, imm. 4 – Aalajangersakkanut ataasiakkaanut ilanngunneqarpoq isumaqatigiissutip isumaqatigiissutigineqarnissaanut piumasaqaatit naammaginangitsut imaluunniit akissarsiat annertussusaat pillugit apeqqutit eqqartuussivinnut suliaassanngortinneqarsinnaasut.

- § 24 a – Eqqumiitsuliatut suliat tamanut saqqummiussat atorineqarnissaannut licensimik isumaqatigiissuteqartarnissaq eqqunneqarpoq.
- § 30 a – Piffissaq eqqarsaatigalugu suliat tamanut saqqummiunneqarsimasut aalajangersimasut ilaatigut aallakaateqqinneqarnissaannut periarfissaq annertusineqarpoq, taamaalilluni aalajangersagaq sulianut tunisassiornermut ilaasunut, 1. januar 2007 sioqqullugu aallakaatinneqarsimasunut atuutilerluni.
- § 50 – Immikkoortunut nutaanut licensimik isumaqatigiissuteqarnissamut nalinginnaasumik tunngavik eqqunneqarpoq, pisinnaatitaasut atuisullu tamanna pisariaqartippassuk tamanna pillugu isumaqatigiissuteqarsinnaallutik. Licensimik nalinginnaasumik isumaqatigiissut maannakkut aalajangersimasumik licensimik isumaqatigiissutinik tapertatut isigineqassaaq, taamaalillunilu immikkoortuni nutaarluinnarni atorineqarsinnaalluni imaluunniit licensimik isumaqatigiissutini aalajangersakkanut atuutereersunut tapertaasinnaallutik.
- §§ 51 aamma 54 nutaamik oqaasertalerneqarput.
- § 47 Piginneqqaartussaanneranut ataatsimiititaliaq pillugu Kalaallit Nunaannut atulersinneqanngilaq. § 47 malillugu Piginneqqaartussaanneranut ataatsimiititaliap aalajangiinissamut piginnaatitaanerata aalajangersakkat ataasiakkaat malillugit eqqartuussivinniippoq.

Inatsit nr. 380, 17. april 2013-imeersoq (Eqqumiitsuliortunut nipinillu immiussisunut piffissap illersuiffiusup sivitsorneqarnera, eqqumiitsuliortut pisinnaatitaaffinik tunniussineq pillugu isumaqatigiissutip atorunnaarsinnera, eqqumiitsuliortut ukiukkaartumik tapertaasumik akissarsiaqarsinnaanerata il.il.)

- §§ 63, 65 aamma 66 – Piffissaq illersuiffiusoq siunnersuutigineqarpoq eqqumiitsuliortunut nipinillu immiussisartunut il.il. sivitsorneqassasoq.
- § 66 a – Siunnersuut eqqumiitsuliortunut pisinnaatitaaffinik tunniussineq pillugu isumaqatigiissutinik atorunnaarsitsinissamut pisinnaatitsivoq, pisinnaatitaaffiit tunniunneqarsimasut naammattumik atorineqarsimanngippata.
- § 66 b – Piffissap illersuiffiusup sivitsorneqarnerata malitsigisaanik inatsisissatut siunnersuut piffissami illersuiffiusumi sivitsorneqartumi ukiukkaartumik tapertaasumik akissarsiaqarnissamut eqqumiitsuliortut pisinnaatitaaffeqarnerata pillugu aalajangersakkanik nutaanik imaqarpoq.
- § 66 c – aalajangersakkap kinguneraa eqqumiitsuliortup nipinik immiussisumut pisinnaatitaaffini tunniussimappagu ingerlaavartumillu akissarsiaqarsinnaatitaaneq pillugu isumaqatigiittoqarsimappat, siumoortumik akiliisarnerit imaluunniit isumaqatigiissutitigut ilanngaatineqartartut eqqumiitsuliortup tiginissaanut piumasaqaataanit akiliutigineqartunit ilanngaatineqassanngitsut. Taamaalilluni piffissap illersuiffiusup sivitsorneqarnera

eqqumiitsuliortunit tamakkiisumik iluaqutigineqarnissaa qulakkeerneqarpoq.

Inatsit nr. 741, 25. juni 2014-imeersoq (Suliat angajoqqaanngitsut aalajangersimasut atorineqarnissaasa akuerineqarneri aamma kabel-ikkut siaruarterinermut tunngasunik licensimi isumaqatigiisummi aalajangersakkap allanngortinnera)

- § 35, imm. 4-7 – Kabel-imik siaruarterineq pillugu licensimik isumaqatigiisummi aalajangersakkamik eqqussineq. Siunnersuummi siunertarineqarpoq licensimik isumaqatigiisummi § 35-imi ataatsikkoortumik allannguuteqanngitsumillu kabel-ikkut atortut aqutigalugit atortutigullu allatigut radiokkut isiginnaarutikkullu aallakaatitat atassuteqanngitsumik aallakaatinneqartut radiokkut isiginnaarutikkullu aallakaatitat siaruarteqqinneqarnissaat teknologiikkut ineriartornermut isumaqatigiisutinillu ilaannngitsut piumasaqarlutik atuinissaannut periarfissanut nutaanut naleqqussaaneq.

Inatsit nr. 719, 8. juni 2018-imeersoq (Marrakesh-imi il.il. peqqussutip naammasineqarnera)

- § 17 – Peqqussutip maannakkut § 17-imi qulequtaa ”*Isigisaqarnikkut tusaasaqarnikkullu innarluutillit atugassaannik assilisanik piliorneq*” imatut allanngortinneqarpoq ”*Inuit isigisaqarnikkut, tusaasaqarnikkut, atuarsinnaanikkullu innarluutillit il.il.*” Aalajangersakkami aalajangersimasunik allannguisoqarpoq, ilaatigut § 17, imm. 3 peerneqarpoq, aamma peqqussutip sinnerani tamatuma kingunerisaanik allannguisoqarluni.
- §§ 17 a -17 e ilanngunneqarput Kalaallit Nunaanni pissutsit tunngavigalugit allannguuteqartillugit. Malittarisassani piginneqqaartussaataasut kisermaassisuunissaat ilanngunneqarpoq, taamaalilluni atuakkanik allanillu naqitanik innarluutilinnut naleqquttunik sanasoqarsinnaalerluni, tassunga ilanngullugit e-atuakkat atuffassissutillu nipillit, isiginiarnikkut atuarsinnaanikkullu innarluuteqartunut atugassat.